



Inatsisartuni ilaasortaq
Aleqa Hammond
-/Maani

§ 37 naapertorlugu apeqqummut nr. 2011-132-mut Upernaviup nunaqarfiini nioqqutissanik pilersuinermit tunngasumut akissuteqaat

24. juni 2011
Sagsnr. 2011-051484
Dok. Nr. 663851

Asasara Aleqa Hammond

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Ilisimareerunakkattut Namminersorlutik Oqartussat isorliunerusuni nioqqutissanik pilersuineq pillugu kiffartuunneqarnissamik KNI-mut isumaqatigiissuteqarpoq. Upernaviup eqqaani nunaqarfiit aamma isumaqatigiissummut tassunga ilaatinneqarput. Taamaattumik sumiiffinni pineqartuni nerisassanik nioqqutissaqarnissap qulakkeerneqarnissaa KNI-p suliassaraa.

Imaanngilarli tamanna pissutigalugu Naalakkersuisut innuttaasunut akisussaaffitsik ilisimaarinngikkaat. Taamaanngilluinnarpoq. Ineqarnermut, Attaveqarnermut Angallanermullu Naalakkersuisoqarfiup pisut qanillugit malinnaaffigai, aammalu KNI, Royal Arctic Line (RAL) aamma Air Greenland ingerlaavartumik attaveqarfigalugit. Tamanna Kalaallit Nunaata avannaani pisunut aammalu ulluinnarnut pisunut atatillugu atornerqarpoq.

Sapaatit akunneranni kingullerni Upernaviup eqqaani nunaqarfinni amigaateqalernermit atatillugu ilinnut ilisimatitsissutigisinnaavara, KNI-p nioqqutissanik timmisartuussiniarluni misilissimagaluarmagu. Kisiannili sila teknikkimullu tunngassuteqartut pissutigalugit Air Greenland nioqqutissanik timmisartukkut ingerlassisinnaasimangilaq.

Taamaattumik Pajuttaatip angallavia allanngortillugu Kullorsuaq, nioqqutissanik amigaateqarfiunerpaasoq siulliullugu tикиneqassasoq RAL, Namminersorlutik Oqartussat aamma Qaasuitsup Kommunian aalajangerput. Nunaqarfiillu eqqaanniittut tamatuma kingorna pilersorneqalissallutik. Ajorluartumilli siku pissutigalugu Kullorsuaq pilersaarutit malillugit juunip ulluisa 11-anni tикиneqanngitsoorpoq, taamaattumillu nerisassat nioqqutissat aatsaat juunip ulluisa 12-ianni apuunneqarlutik, kiisalu tamatuma kingorna sumiiffiit sinneri pilersorneqalerlutik.

Kiisalu Tasiilami eqqaanilu nunaqarfinni nerisassanik nioqqutissanik amigaateqartoqartoq tusagassiuutitigut eqqartorneqarpoq. Kisiannili KNI ilisimatitsivoq, Tasiilami pisiniarfimmi nioqqutissanik nalinginnaasunik suli peqartoq, aammalu pisiniarfik sapaatit akunnerannut ataasiarluni Islandimiit timmisartukkut paarnanik, naatitanik il.il. pissarsisartoq. Nunaqarfiit eqqaaniittut nioqqutissanik nalinginnaasunik suli peqarput, kisiannili pisiniarfiit naatitanik, paarnanik nioqqutissanillu qerisunik nunguutisimapput. Ilisiviit imaarukkiartortut KNI-mit isertuunneqanngilaq, kisiannili

ilisimatitsissutigineqarpoq, Mary Arctica-p juunip ulluisa 26-anni illoqarfimmut tikinnissaata tungaanut nioqqutissat nalinginnaasut naammassasut. Sila pissutigalugu Mary Arctica kinguaattuussappat, nioqqutissanik nalinginnaasunik Islandimiit timmisartukkut KNI tikisitsissaaq.

Apeqqutit pillugu qutsavigaakkit, neriuppungalu matuma siuliani akissutiga naammagissagit.

Inussiarnersumik inuulluaqqusillunga

Jens B. Frederiksen